

禪門諸祖師偈頌

五山版

乾



門八波 5 特
號 975
1-2

一時歌見林間錄上

臨公解禪偈六首載溫公全集卷百

禪門諸祖師偈頌上

五老峯釋 子昇 錄

佛祖傳法偈 漳州

三祖鑿智禪師信心銘

筠州洞山禪師玄中銘 每州華山 遠和尚註

紫塞野人雪子吟 遠和尚註

洞山禪師新豐吟 遠和尚註

寮禪師搜玄吟

同安寮禪師玄談 郢州大陽誓 本和尚註

漳州羅漢和尚明道頌

寮禪師坐禪銘 大陽明安禪 師註并序

州龍牙山道禪師頌

誌和尚十二



法燦禪師擬

沂山五位頌

洞山五子頌

通明因緣四則

高城和尚歌

趙州和尚十二時歌

永嘉真覺大師證道歌

杯度禪師一鉢歌

三山開元寺首座 道永續錄

佛眼三自省

馮山警策

如來成道記

永安僧堂記

新添上卷尾

福城東許狀元坊內楊六郎刊行

國師對御

天台坐禪銘

禪用龜鑑

臨濟正宗記

園悟送太慧

志公藥方

佛印降魔表

慈受深警眾

古德垂訓

仰山飯

看經誡

上卷目錄終

佛祖偈

毗婆尸佛

身從無相中受生於無住本立一切法猶如幻出諸形像念念是幻山河大地是幻
幻人心識本來無東湧西沒罪福皆空無所住水月鏡像

尸棄佛

起諸善業本是幻祖佛出頭不得也造諸惡業亦是幻塵勞業惑當處解脫
身如聚沫心如風現行現用任性隨緣幻出無根無實性言語三昧躡橫展托不動纖毫

毗舍浮佛

假借四大以為身混融一體特白烏玄地水火風心本無生因境有心非垢淨是心
前境若無心亦無拈柴擇菜罪福如幻起亦滅言詞路絕訓對知時

拘留孫佛

見身無實是佛見得什麼梳了心如幻是佛了諸聖如今說箇夢幻
了得身心本性空體用如如廓周沙界斯人與佛何殊別青黃赤白面蓋機鋒

拘那含佛

佛不見身知是佛謗佛法僧是真假依三寶若實有知別無佛靈智非造恰恰全相
智者能知罪性空罪性即是真性起滅無依坦然不懼於生死七顛八倒自受用門

迦葉佛

一切眾生性清淨清依自性法身念念清淨從本無生無可滅言語道斷若谷舍聲

即此身心是幻生四大五蘊 幻化之中無罪福以無心意而現行

釋迦牟尼佛

幻化無因亦無生萬像森羅皆本已來念念絕待 皆即自然見如是用法不回互

諸法無非自化生卷命維棄殺活臨時 幻化無生無所畏遠順當機

爾時世尊告摩訶迦葉吾有清淨正法眼藏付

囑於汝汝當諦聽偈曰

法本法無法靈覺真心 無法法亦法無知之般若

今付無法時說法無所得 法法何曾法見聞覺知

初祖摩訶迦葉

法法本來法念念無礙 無法無非法一真之體無非非法亦無

何於一法中一路涅槃門 有法有不法一路之門豈分有無

二祖阿難尊者

本來付有法得地因師 付了言無法不從他得

各各既自悟飢吞渴飲 悟了無無法喚什麼作

三祖南郡和修尊者

非法亦非心實際理地 無心亦無法心境雙亡

說是心法時三世一時說 是法非心法未曾說著一字何挂唇齒

四祖優波鞠多尊者

心自本來心處六趣而不滅 本心非有法了無外境

有法有本心不壞實相 非心非本法凡聖冰解

五祖提多迦尊者

通達本法心

法法無礙 念念該通

無法無非法

無住亦無本 以無緣心之

悟了同未悟

迷悟同源

無心得無法

智隨逗物機

六祖彌遮迦尊者

無心無可得

無心之心 有何所得

說得不名法

終日說而無說

若了心非心

聲色純真

始解心心法

喚一切作一切

七祖婆須蜜尊者

心同虛空界

虛空即是心

示等虛空法

法即是虛空

證得虛空時

虛空中行坐虛空 中運為皆是虛空

無是無非法

靈智獨存 對機無礙

八祖佛默難提尊者

虛空無內外

空中即是心 法有何邊 畔虛空亦如是

心法亦如是

證前所說

若了虛空故

於色已無明暗

是達真如理

森羅萬像真 如身出無礙

九祖伏默蜜多尊者

真理本無法

用即體也

因名顯真理

體用雙行

受得真真法

得而無得 祇與麼得

非真亦非偽

臘月三十日

十祖脇尊者

真體自然真

亘古亘今

因真說有理

法身說法身

領得真真法

大用現前

無行亦無止

不可黑山下 坐般若無知

十一祖富那夜奢尊者

迷悟如隱顯

殺活當機

明暗不相離

拂子即是法身 法身即是拂子

今付隱顯法

隱法顯法見廢見廢

非一亦非二

非一證龍是用證龍是百非碎

十二祖馬鳴尊者

隱顯即本法

顯面相呈見箇什麼

明暗元無二

無明即是佛性

今付悟了法

不得辜負先聖

非取亦非弃

不可得中

十三祖迦毗羅尊者

非隱非顯法

凡聖路絕善惡身形

說是真實除

見聞覺知當處解脫

悟此隱顯法

言下萬機通

非愚亦非智

出世間法

十四祖龍樹尊者

為名隱顯法

不巳而巳說箇隱顯

方說解脫理

七顛八倒絲毫未曾動著

於法既無證

不可法身更證箇法身也

無嗔亦無喜

隨眾過時莫失常儀

十五祖迦那提婆尊者

本對傳法人

事不孤起

為說解脫理

智識難追

於法實無證

山青水綠

無終復無始

三際求心不可得所以傳受也

十六祖羅睺羅尊者

於法實無證

見聞但見聞見聞即是不可得

不取亦不離

躰即是用

法非有無相

示種種相即見法躰

內外云何起

無情有情何別躰亦無乾坤隨見無偏

十七祖僧伽難提尊者

心地本無生

萬像依然常自寂滅

因地從緣起

二乘王性皆從緣起

緣種不相妨

無事理妨礙

花果亦復爾

論前所說

十八祖伽耶舍多尊者

有種有心地種心生故種因緣能發萌從善知識

於緣不相礙不礙眼光當生生不生用而無用

性上本無生性自清淨為對求人說於無生性說

於法既無得傳受於人何懷汝無汝說什麼悟不悟

言下合無生莫過於此同於法界性一念偏歷

若能如是解證前所說通達事理竟人間豈有真學

泡幻同無礙若了一切如幻如何不了悟著衣喫飯

達法在其中莫越於此非今亦非古今古有無生

心隨萬境轉遇長即長轉處實能幽入此爐中

隨流認得性聲超聲何遣無喜復無憂無不明顛

認得心性時此處明了可說不思議言語展托

了了無可得句句不思議得時不說知無所不知

正說知見時明明覺了知見俱是心見聞覺知

當心即知見心法即一切法知見即于今強生頭角得麼

禪 五

二十五祖婆舍斯多尊者

聖人說知見

言下悟道 耶是聖人

當境無非是 拈起便用

我今悟真性

不受他謾

無道亦無理 有什麼佛

二十六祖不如蜜多尊者

真性心地藏

一心真性 包含萬像

無頭亦無尾 前後中間此 心不可名

應緣而化物

若秋月皎長 江隨器設教

方便呼為智 說菩提涅槃 方便稱度

二十七祖般若多羅尊者

心地含諸種

一切所有 從心地出

因事復因理 世間法即是 出世間法

果滿菩提圓

果中因因中果

花開世界起 一花開天下 春喚作什麼

二十八祖菩提達磨

吾本來茲土

達磨大師從 西天來唐土

傳法救迷情 少林面壁 不已而已

一花開五葉

有六祖號花開 五葉誰人不知

結果自然成 因花結果因人 悟心悟無所得

二祖惠可大師

本來緣有地

先須得地

因地種花生 萬法皆從 心地所生

本來無有種

從本已來 諸法寂滅

花亦不能生 心空寂故 運用無差

三祖僧璨大師

花種雖因地

物像從心起也

從地種花生 於靈覺之內 了現乾坤

若無人下種

心境頓忘 人法何有

花地盡無生 處處見道

四祖道信大師

花種有生地

見聞覺知

因地花生生 於一切中 現種種像

大緣與性合

緣起無生

當生生不生

念念無生之生

五祖弘忍大師

有情來下種

人俱有佛性

因地果還生

因果凡聖無差

無情既無種

透聲透色

無性亦無生

無知之性觸目徧周

六祖惠能大師

心地含諸種

一念包容十刹

普雨悉皆萌

祖師說法衆生發萌

頓悟花情已

聲色無邊般若無邊

菩提果自成

信受奉行

南岳讓和尚

心地含諸種

遇澤悉皆萌

三昧華無相

何壞復何成

江西馬大師

心地隨時說 菩提亦祇寧 事理俱無礙 當生即不生

三祖大師信心銘

至道無難 唯嫌揀擇 但莫憎愛 洞然明白
毫釐有差 天地懸隔 欲得現前 莫存順逆
違順相爭 是為心病 不識玄旨 徒勞念靜
圓同太虛 無欠無餘 良由取捨 所以不如
莫逐有緣 勿住空忍 一種平懷 泯然自盡
止動歸止 止更彌動 唯滯兩邊 寧知一種
一種不通 兩處失功 遣有沒 有從空皆空
多言多慮 轉不相應 絕言絕慮 無處不通

歸根得旨。隨照失宗。須臾返色。勝却前空。
前空轉變。皆由妄現。不用求真。唯須息見。
二見不住。慎勿追尋。纔有是非。紛然失心。
二由一有。一亦莫守。一心不生。萬法無咎。
無咎無法。不生不心。能隨境滅。境逐能沈。
境由能境。能由境能。欲知兩段。元是一空。
一空同兩。齊含萬象。不見精麤。寧有偏黨。
大道體寬。無易無難。小見狐疑。轉急轉遲。
執之失度。必入邪路。放之自然。體無去住。
任性合道。逍遥絕惱。繫念乖真。沈惰不好。

不好勞神。何用踈親。欲趣一乘。勿惡六塵。
六塵不惡。還同正覺。智者無為。愚人自縛。
法無異法。妄自愛著。將心用心。豈非大錯。
迷生寂亂。悟無好惡。一切二邊。妄自斟酌。
夢幻虛花。何勞把捉。得失是非。一時放却。
眼若不瞞。諸夢自除。心若不異。萬法一如。
一如體玄。兀爾忘緣。萬法齊觀。歸復自然。
泯其所以。不可方比。止動無動。動止無止。
兩既不成。一何有爾。究竟窮極。不存軌則。
啓心平等。所作俱息。狐疑盡淨。正信調直。

一切不留無可記憶。虛明自照不勞心力。非思量處。識情難測。真如法界無他無自。要急相應。唯言不二。不二皆同。無不包容。十方智者皆入此宗。宗非促延。一念萬年。無在不在。十方目前。極小同大。忘絕境界。極大同小。不見邊表。有即是無。無即是有。若不如是。必不須守。一即一切。一切即一。但能如是。何慮不畢。信心不二。不二信心。言語道斷。非去來今。

錫州洞山价禪師玄中銘

竊以絕韻之音。假玄唱以明宗。入理深談。以無功而會旨。混然體用。宛轉偏圓。亦猶投刃揮斤。輪扁得手。虛玄不犯。迴乎傍叅。寄鳥道而寥空。以玄路而該括。然雖空體寂然。不乖羣動。於有句中。無句妙在體前。以無語中有語。迴塗復妙。是以用而不動。寂而不疑。清風偃草而不搖。皓月普天而非照。蒼梧不棲於丹鳳。澄潭豈墜於紅輪。獨而不孤。無根永固。雙明齊韻。事理俱融。是以高歌雪曲。和者還稀。布鼓臨軒。何人鳴擊。不達旨妙。難措幽微。儻或用而無功。寂而虛照。事理雙明。體用無滯。玄中之旨。其在斯焉。

大陽門下日日三秋太陽者成正覺邊事然不明月堂前時

時九夏明月堂前是妙在驛前九夏森羅萬象古佛家風佛

明中不遺一法碧落青霄道人活計麻姑靈苗瑞草野父愁共

措手不揀擇也露地白牛牧人懶放雖然淨妙終不傍附龍吟枯骨異

響難聞木馬嘶時何人道聽玄路不問聞音者夜明簾外

古鏡徒輝空王殿中千光那照明暗不到不坐菩澄源湛

水尚棹孤舟古佛道場猶乘車子推非處空無影樹下

永劫清涼無功妙言觸目荒林論年放曠信手拈舉足下

足鳥道無殊有何坐卧經行莫非玄路塵塵三昧向道莫

去歸來背父歸來即背夜半正明天曉不露君向日子就

後絕去來露柱先行不到末後太過先則急沒底船子無漏

堅固絕無功用碧潭水月隱隱難沉水月是功難青山白雲無

根却住相用無功方乃峯巒秀異鶴不停機靈木迢然鳳

無依倚春園情賞寓徒敲布鼓誰是知音寒山舉第空擊

成聲何人撫掌和者胡笳曲子埋沒祖宗不墮五音非

六韻出青霄任君吹唱得言忘言

洞山价禪師新豐吟

古路坦然誰措足擬向無人解唱還鄉曲到者清風

月下守株人涼兔漸遙春草綠得味則天香襲兮絕芬

馥月色疑兮非照燭成功行玄猶是涉崎嶇體妙因

茲背延促第二頭直須轉却始得殊不然兮何展縮無增縱得然

兮混泥玉非變懈豸同欄辨者嗟分別薰蕕共處湏

分郁清濁長天月兮徧谿谷何天不曉不斷風兮偃松

竹山雲蕩漾我今到此得從容吾師叱我相隨逐雖然穩

相隨新豐路兮峻仍鼓雖峻何嘗不平坦新豐洞兮湛然沃雖曰登甚

登者登臨不動搖動則遊者遊兮莫忽速親則絕荆榛

兮罷斲斷切忌飲馨香兮味清肅古致負重登臨脫

屣迴者他早是虛擔鞦向背不立來駕肩兮履芳躅明

至澄心兮去疑日玄會可以切亭堂雖有到人稀非是

不到更白林泉不長尋常木翠葉芬芳道不鵲雕非曲頽不犯春

春去郢人進步何瞻矚向擬工夫不到不方圓更須言

語不通非眷屬滯在物機事不然兮詎冥旭明暗我不

然兮何斷續且古慤慤為報道中人叮嚀切囑而慮若戀

玄關即拘束依傍

紫塞野人雪子吟

雪子明一色也一色是功以吟不同於功也是以因

體而起用以用而明體體不離用用不離體體用無

私方乃唱道其唱道者或理或事或隱或顯事理和

融隱顯無異然以無私妙用體用虛玄柰緣學人沈

空滯迹不達玄微墮在物機是以借虛空為體以森

羅為用泥牛吼處火裏蓮生木馬嘶時冰河談起所以正位中來偏位中去然則正位雖正却偏偏位雖偏却圓所以野人云木人夜半穿靴去石女天明戴帽歸此是有語中無語無語中有語宛轉迴牙始終無滯其間假雪子吟詠玄唱明機以示學徒免滯功迹註之不迫達者更詳雪子之吟言在斯矣

白雲起兮青山秀青山為髯白雲為用青山異兮白雲舊為髯異全功用在髯

清風兮綠巖開無私髯必高舉玄風金烏玉兔去還來二輪破空的全明暗協全通為

明暗室迷家子門外駐車呼不出須令別觀木陽燿免令狂駭墮塵埃為汝吾當出此

擊寒巖兮野人吟勿居無漏室勿慕万年床聲聲為剖訪知音伯牙須歌是子期

之決之能曉了不因漢父引爭得見波濤響三關兮深更深迢然無比况不淡去來

事事通兮物物明塵塵剎剎信手拈來達者須知暗裏驚知音不在頻頻舉

若能解撫無私曲解玄謂妙不墮言音句句稱提不道名無手能遮日釣魚不犯竿

衣中寶兮異常珠類不一齊一般拈掇與君殊好手還同火裏蓮無影

杖子敲不落三莖異草豈能除迢然猶未可况復路差殊明大意兮

曉全機非內外古今不曾覺後體前迷既後先莫令迴牙有參

差也似伯牙誤子期擬即來架肩兮去何多每向於中

那會野人歌唱高和寡雖然樵子頻提舉終日老不曉玄玄爭奈

何餓死人事須宛轉莫守閑立脉何問幽洞無門任往還何復

饒君解使雲通信石點頭時我不然弄巧成拙人人盡著

還鄉曲古塚不堪樓我無家兮去何速渠無国土何處逢渠玄途履踐絕

追尋措意即弄鳥道登遊豈解跼廓落何拘深深妙旨復何言

雪上加霜得麼龍宮海歲莫能詮拈了鷲峯山頂無師句春力不到處拈

木亦生花誰人解向死前拈劫初鈴子清音普不吝官商孰解聽二十八代提提綱

佛手不是無言默覆藏填溝壑雖然覲面無人識妙破深成

認賊作爺孃悞認未認麤中辨細猶可知祇這裏是細中之

細復何稀雲藏無影樹花笑不萌枝出門自有彌天句徧界風光入戶那攜

不我歸非兼帶不同緣一輪高聳曜師宗輝天鑑地靈然那混碧紗籠

非拘系不當今我今不吝無私句春風秋月有何難易障玄風要行即行要坐即坐

同安寮禪師十玄談

心印

問君心印作何顏不得色未問前妙在躰處心印何人敢授傳不墮功動者亦

云不授手歷劫坦然無異色不變易亘古今呼為心印早虛言時為今

妙會須通一路始得須知體自虛空性躰即本躰即同虛空性也將喻紅爐火裏

滿無中忽有妙在躰處即明自性也勿謂無心云是道猶有這箇文彩在坐著即屬功也無心

猶隔一重關他無這箇消息爭肯恁麼道坐著即不堪

祖意

祖意如空不是空元無起滅亦無去來借虛空為躰白雲為用即借功明也靈機爭墮

有無功不墮凡聖超諸有無洵出圓明境獨立物外交機三賢尚未明斯旨三賢是盡底人却來

這邊行履一念怎麼去祖十聖那能達此宗十聖亦是向功直是一念

其透網金鱗猶帶水雖透塵勞之縛猶坐他迴途石馬出

紗籠一念不生時即是迴途合解也又懸懃為說西來意西來

豈在言詮為說者無說之說妙會在於言前始得其旨莫問西來及與東兩頭

玄機

迢迢空劫勿能收不依豈與塵機作繫留不施妙體本

來無處所徧界不通身何更有蹤由誰人識靈然一句超

羣象齊類不迥出三乘不假脩一指天撒手那邊千聖

外迢然無比况萬迴程堪作火中牛誰人肯向

塵異

濁者自濁清者清混不得菩提煩惱等空平本自無生雖

親誰言下壁無人鑒須是渠始得無我道驪珠到處晶觸

皆渠而無間斷萬法泯時全體現一念不生時三乘分別強安名曲

今時要渠知有去須通一線道始得丈夫自有衝天志他家自有通人在莫向如

來行處行鳥道無蹤助

演教

三乘次第演金言隨上中下根性應三世如來亦共宣為

燈續爛施設為有初說有空人盡執為帶兩頭妄有後非空有

眾皆捐後覺前執龍宮滿字醫方義藥病相治曲為今鶴樹

終談理未玄窮極所談未契玄真淨界中繞一念一念統生

便是八閻浮早已八千年為向途中覓

達本

勿於中路事空王

力窮亡進退莫坐有無中

策杖還須達本鄉

故國本來無異

路一念不生歸帝鄉

雲水隔時君莫住

雲散水流去處處得逢渠

雪山深處我非

忘

不忘本來底他家不驚異

堪嗟去日顏如玉

素彩粧不得淨裸裸地

却歎迴時

鬢似霜

脫珍御服著弊垢衣

撒手到家人不識

不相似非故人也

更無一物

獻尊堂

捨不出他無著處却存孝義也

還源

返本還源事已差

擬心即善互本無這箇消息

本來無住不名家

不

斷也

萬年松徑雪深覆

功不積色

一帶峯巒雲更遮

不露現誰辨渠

賓主穆時全是妄

目視不當我箇中無異跡

君臣合處正中邪

君且道合玉殿

昔生他解傍來轉身後耳

還鄉曲調如何唱

鐵牛生處不難通

明月堂前

枯樹華

無中忽有異玄血脈不斷妙用在未萌前始得活句

迴機

涅槃城裏尚猶危

不落未前誰敢道無形本自不彰名

陌路相逢勿定期

彼自不造

相逢者

權挂垢衣云是佛

時誰人肯向渠

却裝珍御復名

誰

無辨處不坐空王殿不挂本來衣

木人夜半穿靴去

里自未分誰辨異當處無朕了然分

石女天

明戴帽歸

妙會玄旨不是異中來運步不當機頂不露

萬古碧潭空界月

混不

形

再三撈漉始應知

不施設妙在卦裏

轉位

披毛戴角入鄽來異中有路誰相識優鉢羅華火裏開

昔昔已前猶未可鐵牛行處煩惱海中為雨露不雜色異無明

山上作雲雷驚出蘭芳秀鑊湯爐炭吹教滅疾盡情忘長

花兩不傷劍樹刀山喝使摧丈夫須立金剛志金鎖玄關留不

住不坐無為殿行於異類且輪迴觸處皆樂

一色

枯木巖前差路多為在白雲深處坐行人到此盡蹉跎不數

路小徑豈相逢鷺鷥立雪非同色難辨異入明月蘆花不似他類不齊

了了時無可了盡始得玄玄玄處亦須呵絕功慙慙

為唱玄中曲那邊誰是知音者空裏蟾光撮得麼不施設無

案禪師搜玄吟

三更初夜偏正中圓日午月明前偏中圓白雲覆幽石

宿中全青霄抱月圓佛蓋中人鷺鷥非雪覆非自然烏

鷗豈漆漫全身著紙馬通消息異中來知音白雀還上事

明類夢手擊金鐘句無礙覺來空把拳不守迷天明夜

行人明中暗目無因得自先傍采類門門不迴玄物物上呈

迴玄隔關山那邊無路步空疑月色轉妙時湛寂皎非安

內外不貴龍吟明異寶提不起片玉鳳飛啣語不隨猿啼葱

嶺韻明那邊鶴吐就為峯煙遠劫來事金烏罩蓆帽機偏中護

玉兔具靴衫正位偏寒泉初夜後恁麼則未古澗五更前

未出幽關時最初未後黑白未分時不墮有無正是偏中圓說不及處

展幽林秀能復蓋雲收碧落閑歸位去空劫道人道入活計

深宮蕩子嫌不是他身衣錦還鄉客古佛廟前迴機面指無可有

南轉身敲迷問我雪中吟端坐樹下杲日耀澄潭返顧

無影乘樹子過祖佛者玉女夜生蚕無絲不干攜籃日未

出二邊不中摘菓月當軒正圓時看手把寒天扇不覺無

身無五月衫不遮醜採花入異鄉無箇相似將獻類中仙地愁殺人

衆聖中尊貴類不齊謹白參玄人莫因循過參禪莫守閑切忌空坐

伏以先德垂範事理不孤諸法空寂以之為座禪非

察禪師坐禪銘大陽明安禪

意想道絕去來情與非情二俱弗顧假名詮座禪豈

定亂是知坐禪三昧發慧全該參學禪流應曉座體

余因入室請益禪銘略而釋之於後者也

來時不入門無門去時不出戶徒來正座座不座不端

正去去不去去不正不是情無情二俱都緣顧不顧無

顧返本不還源還源不歸根無道路歸根路若唱胡家曲

肯不全和不齊聲聲句不觸聲聲不間每念雪中吟雪中何分寒燈

不假燭寒燈不照坐來右笋生大坐無那用將針斷用處不

為報參禪人語密須行玄不動足切忌應須不恁麼通

終不恁麼却成局帶所執放下勞把捉把觀來撒手還

拘束所知步步不將來展手不當今促延無斷續步步無

不全座中人座中不守全太陽那巨旭太陽無意

漳州羅漢和尚明道頌

至道淵曠勿以言宣言宣非指孰云有是觸處皆渠
豈喻真虛真虛設辨如鏡中現有無雖影在處無傷
無傷無在何拘何礙不假功成將何法爾法爾不爾
俱為唇齒若以斯陳埋沒宗旨宗非意陳無以見聞
見聞不脫如水中月於斯不明翻為刺法一法有形
翳汝眼睛眼睛不明世界崢嶸我宗奇特當陽顯赫
佛及衆生皆承恩力不在低頭思量難得撥破面門

傳燈所載文字頗異不盡出

覆蓋乾坤快須薦取脫却根塵其如不曉謾說而今

誌公和尚十二時歌

平且寘在機內有道人身窮苦枉經無數劫不信常
擎如意珍若捉物入迷津但有纖毫即是塵不住舊
時無相貌外尋知識也非真

日出外用處不須生善巧縱使神光照有無舉意便
遭魔境媿若施功終不了曉夜被他人我拗不用安
排祇麼從何曾心地生煩惱

食時辰無明本是釋迦身坐卧不知元是道祇麼茫
茫受苦辛認聲色覓踪親盡是他家染污人若欲擬

心求作佛。問取虛空始出塵。

禹中已。未了之人爭爲計。假饒特達祖師言。莫向心頭安了義。祇守玄沒文字。認著依前還不是。暫時白肯不追尋。永劫不遭魔境使。

日南午。四大身中無價寶。陽燄空華不肯拋。作意修行受辛苦。不曾迷莫求悟。任你朝陽幾回暮。有相身中無相身。無明路上無生路。

日昝未。心地何曾安了義。他家文字有親疎。不用工夫求的意。任縱橫絕忌諱。長在人間不居世。運用元來聲色中。迷夫未識爭爲計。

晡時申。學道先須不厭塵。有相本來權積聚。無形不用更安真。作淨潔却勞神。莫認癡狂作近隣。言下不求無住處。暫時喚作出家人。

日入酉。虛幻聲香不長久。禪悅珍羞尚不食。誰能更飲無明酒。沒可拋沒可守。蕩蕩道遙未曾有。縱使多聞達古今。也是癡狂外邊走。

黃昏戌。狂子興功投暗室。假使心通無量時。歷劫何曾異今日。擬思量却啾唧。轉使心頭黑如漆。晝夜舒光照有無。癡人喚作波羅蜜。

人定亥。勇猛精進成懈怠。不起纖毫修學心。無相光

中常自在超釋迦越祖代心有微塵還空礙放蕩常
如癡兀人他家自有通人愛
半夜子心任無生即生死生死何曾鬪有無用時便
用勿文字佛祖言外邊事識取起時還不是作意搜
求實惣無生死魔來任相試
雞鳴丑一顆圓光明已久內外追尋覓惣無境上施
為渾大有不見頭也無手世界壞時渠不朽未了之
人聽一言祇這如今誰動口

龍牙和尚偈頌 并序

南嶽

齋

序

禪門所傳偈頌自二十八祖止於六祖已降則六祖
後諸方老宿亦多為之蓋以吟暢玄旨也非格外之
學莫將以名句擬議矣洎咸通初有新豐白崖二大
師所作多流散於禪林雖體同於詩厥言非詩也迷
者見之而為撫掌乎近有陞龍牙之門者編集師偈
乞余序之龍牙之嗣新豐也凡託像寄妙必含大意
猶夫驪頰蚌胎烜耀波底試捧翫味但覺神慮澄蕩
如遊寥廓皆不若文字之狀矣且曰魯仲尼與温伯
雪子揚眉瞬目示其道而何妨言語哉乃為之序云
耳偈頌九十五首

夫人學道莫貪求萬事無心道合頭無心體得無心
道體得無心道也休
學道先須且學貧學貧後道方親一朝體得成貧
道道用還如貧底人
學道蒙師指却閑無中有路隱人間直饒講得千經
論一句臨機下口難
學道先須立自身直教行處不生塵僧真不假居巖
室到處無心即在人
學道先須有悟由還如曾闕使龍舟雖然舊閣閑田
地一度贏來方始休

學道先須息萬機將機學道轉生疑此門廣大無遮
障學者雖多達者稀

一得無心便道情六門休歇不勞形有緣不是余朋
友無用雙眉却弟兄

一得無心便豁空祇因先聖祖門通箇中若向三乘
學萬劫無因得遇逢

自體如如任運常因茲行歇住三湘雙眉無用是毫
相說處無分舌廣長

自小從師學祖宗閑花猶似纏人蜂僧真不假栖雲
外得後無心色亦空

得聖超凡不作聲。卧龍長怖碧潭清。人生若得長如此。大地那能留一名。
得道還同未得人心。無勝負自安神。從前古德稱貧道。尚此門中能幾人。
心空不及道空安。道與心空狀一般。參玄不是道空士。乍相逢不易看。
此生不息息何時。息在今生共要知。心息祇因無妄想。妄空心息是休時。
劫火曾將無氣吹。不勞心力當時萎。人天不見風塵起。怖息無招各自歸。

道者無端學畫龍。元來未得筆頭蹤。一朝體得真龍後。始覺平生枉用功。
何事朝愁與暮愁。少年不學老還羞。驪珠不是驪龍惜。自是時人不解求。
了得心源處處安。何須終日對林巒。玉向火中燒轉潤。蓮華在水葉長乾。
掃地煎茶及把針。更無餘事可留心。山門有路人皆到我。戶無門那畔尋。
或居城郭或居山。得道無心在處閑。實似小兒歸父母。身衣隨分補遮寒。

道情六用如眉用用處如眉始可觀人見道時如寂
實人情全是道情安
擬學論情實苦哉疑心不斷妄難摧未了攜囊須且
去得閑無事却回來
四氣吹成物不虛可憐青葉下垂珠雖然種得無心
寶一任傍人恣意須
世人心下不能治致禍愁生累及眉一朝體得心無
事眉放毫光自不知
僧房閒寂夏修持閉戶踈人怪亦知儂家自有同風
事千里無來却肯伊

臨牕不覺寸陰移火急修行早是遲白日祇陪人事
過園林那得道成時
緣覺聲聞未盡空人天來往訪真宗爭如佛是無疑
士端坐無心祇麼通
頂相擬求終不見應緣同谷不違方此門別處無尋
路祇有休心便斷當
三事無憂樂道情且陪雲水不求名任渠更作千般
解體自無瑕不染青
將心除妄妄難忘不體玄微事轉忙未了祇言如來
祕覺後方知不覆藏

人若無心稱道情神觀見無明道已明苗人能弘道道能顯道在人中人自寧

凡有含生共一塵先聖精勤早出倫彼既丈夫我亦爾誰遣他春我不春

毫釐有差千里隔刹那一悟祖師齊玄微須向玄中體道用還教道者知

參玄道者莫因循學處須教皂白分千聖從來無異路忘緣機智有多門

向前吳氏學丹青不體僧瑤事不精畫馬不成驢亦失時人盡笑枉平生

粉壁朱門事豈繁高墻扃戶住如山莫言城郭無休士人若無心在處閑

儉用貴圖延日月補衣還免到人間無心道者方如此未得無心也大難

冷月霜天道者孤一堂禪侶守寒爐衲衣穿處水侵骨夜坐更深炭也無

萬般施設不如常又不驚人又久長如常恰似秋風至無意涼人人自涼

膝袴斑闌火炙成渾身破碎不能驚山房獨坐觀極樂豁然無事暢人情

一室一牀居物外，一餅一鉢寄生涯。門前縱有通村路，是我何曾識一家。

昔生未了今須了，此生度取累生身。古佛未悟同今者，悟了今人即古人。

木食草衣心似月，一生無念復無涯。時人苦問居何處，綠水青山是我家。

朝看花開滿樹紅，暮觀花落樹還空。若將華比人間事，花與人間事一同。

柳色含煙花笑枝，鶯啼林下幾人知。後生正好尋玄路，莫棄光陰虛度時。

志慕空門擔不休，莫將閑事挂心頭。白雲便是修行伴，從聽時光去不留。

知身是幻不求名，浮漚出沒幾時生。借問雲山學道者，此去修行早晚成。

在夢那知夢是虛，覺來方覺夢中無。迷時恰似夢中士，悟後還同睡起夫。

迷人未了勸盲聾，土上加泥更一重。了人有意如迷意，祇在迷中迷不逢。

人情濃厚道情微，道用人情世豈知。空有人情無道用人情，能得幾多時。

成佛人稀念佛多念來歲久却成魔君今欲得易成
佛無念之心不較多
家具攢攢一老翁眉間長髮白忽忽心休意息從何
有祇為心頭萬事空
二時粥飯隨長短三界休求也大精世間大有多求
者直至無常不稱情
未了及時親徧禮不須端坐守清貧直似羅睺羅密
行爭如迦葉不聞聞
若教求道似求名世上無人道不成心靜道場何曾
到世間塵路等閑行

杉松直拔映峯巒一色長青道者看四氣盛衰無變
異豈同凡木有多般

就中慈母感兒情失便哀啼處處驚鬧市人多非是
母雖然觀矚淚還盈母來尋見兒還見當下回顏不
作聲

眉間毫相燄光身事見爭如理見親事有祇因於理
有理慈方便化天人一朝大悟俱消却方得名為無
事人

沙門莫苦遠祇相身四威儀且自觀蓬若出麻終不
直僧離清衆太無端從前上古諸先德盡向叢林裏

獲安

人天須假像行持。無像無形世豈知。空生體得巖中坐。華雨由來責見遲。三乘欲學如斯事。直似空生方始知。

一切名山到因脚。辛苦年深與襪著。如今年老不能行。手裏把箇破木杓。破木杓。俵與衆生甘露藥。衆生喫了盡惺惺。一切昏迷皆失却。

無端遣向墨池邊。染得身衣黑似煙。却去上流清處洗。身心用盡亦如然。令教脫却重披素。不免依前著淨緣。染淨二途俱不了。到頭須得自心玄。

擬住城隍守不非。見雲生處又思歸。三間茅舍喜猶在。九帶青蘿尚遶圍。松栢近栽方始盛。槿花秋首未嘗萎。山雲靉靄雖垂布。永攬不知誰復誰。

自從知始覺無明。一衲隨緣祇麼行。被人罵辱無心諍。見說無爲上擬爭。祇合守愚居暗室。又緣緇素要分明。爲報往來叅學者。得師無意始無生。

微微細雨下多時。百卉抽枝長不知。正化叵興民自瞻。叵興民瞻亦如斯。天觀萬物如芻狗。有覆無心更望伊。不因無事在林下。爭覺王侯有此資。

備米柴茶是事殷。茅茨蓬戶不驚人。晨朝有粥齋時

飯資我如常任運身。冬至息心隨分過。春來量力事
須勤。支持若得今生度。來世還如無事人。
學道如鑽火。逢煙且莫休。直待金星現。歸家始到頭。
閻浮有大寶。見少得人稀。若人將獻我。成佛一餉時。
悟則一餉時。能了萬劫疑。若人萬劫疑。不了一餉時。
不了萬劫疑。古德豈論之。為報參玄士。須懷悟底時。
尋牛須訪跡。學道訪無心。跡在牛還在。無心道易尋。
唯念門前樹。能容鳥泊栖。來者無心喚。騰身不慕歸。
若人心似樹。與道不相違。
夜寒宜向火。護眾到天明。日出身溫暖。心惺思更惺。

豈是無干意。多求失道情。我見多求者。年高事不成。
老似臨江樹。風搖枝必危。岸崩隨水去。入海勿人追。
道死如枯木。波濤豈更違。時人雖不顧。能歇海盲龜。
新牀三間舍。多泥慮有風。門前無貴客。拙意懶迎逢。
飯喫隨時食。衣穿獨自縫。若人來問我。招手報伊聾。
十月夜明深。山寒冷徹心。弃緣求大道。一衲更無衾。
體得如來意。知無寒暑侵。悟無成佛者。有質事須襟。
守道無干意。化緣如響音。大凡成佛者。一一盡無心。
破布裹閑身。無言可示人。居山山得樂。住郭郭還欣。
體得無生意。朝朝近古人。若也更不會。雖樂苦臨身。

唯念深秋扇臨冬轉就閑。銀裝將物裹。篋作補簷間。
祇爲因無用。方能伴住山。不因無用後。伴我住應難。
拄杖行低道。逢溪澡漱多。平田偏樂坐。人命可經過。
守道身心息。資緣豈撓他。除非僧次外。歸寺補袈裟。
覺倦燒爐火。安鐺便煮茶。就中無一事。唯有野僧家。
一念心清淨。蓮華處處開。一華一淨土。一土一如來。
頭戴朝生菌。身披補破衣。見貧人可可。同道乃方知。
龍牙山裏龍。形非世間色。世上盡龍人。巧巧描不得。
唯有識龍人。一見便心息。
西來意未明。徒學諸知見。不識本真性。契道即懸遠。

若能明實相。豈用陳知見。一念了自心。開佛諸知見。
寄語諸仁者。復以何爲懷。達道見自性。自性即如來。
天真元具足。修證轉差迴。弃本却逐末。祇守一場歎。

法燈禪師擬寒山

今古應無墜。分明在目前。片雲生晚谷。孤鶴下遙天。
岸柳含煙翠。溪花帶雨鮮。誰人知此意。令我憶南泉。
幽鳥語如篋。柳垂金線長。煙收山谷靜。風送杏花香。
永日蕭然坐。澄心萬慮亡。欲言言不及。林下好商量。
誰信天真佛。興悲幾萬般。蓼花開古岸。白鷺立沙灘。
露滴庭莎長。雲收溪月寒。頭頭垂示處。子細好生觀。

閑步游南陌。唯便野興多。傍花看蝶舞。近柳聽鶯歌。
稚子撈溪菜。山翁携蕨蘿。問渠何處住。迴首指前坡。
每思同道者。屈指有寒山。得意千峯下。無人共往還。
朝看雲片片。暮聽水潺潺。若問幽竒處。儂家住此間。
三春媚景時。疊嶂含煙雨。攜籃採蕨歸。和米鑊中煮。
食罷展殘書。鷓鴣關語。此情孰可論。唯我能相許。
幽巖我自居。路險無人到。寒燒帶葉柴。倦即和衣倒。
閑窓任月明。落葉從風掃。住茲不計年。漸覺垂垂老。
野老負薪歸。催婦連宵織。看他家事忙。且道承誰力。
問渠渠不知。特地生疑惑。傷嗟今古人。幾箇知恩德。

自住國清寺。因循經幾年。不窮三藏教。匪學祖師禪。
一事攻燒火。餘閑任性眠。生涯何所有。今古與人傳。
颯颯西風起。飄飄細雨飛。前村孤嶺上。樵父擁蓑歸。
躡履尋荒徑。措筇似力微。時人應笑我。笑我者還稀。

洞山五位頌

正中偏。三更初夜月明前。莫怪相逢不相識。隱隱猶
懷舊日嫌。

偏中正。失曉老婆逢古鏡。分明覲面更無他。休更迷
頭還認影。

正中來。無中有路出塵埃。但能莫觸當今諱。也勝前

朝斷舌寸

兼中至兩刃相逢不須避好手猶如火裏蓮宛然自有冲天意

兼中到不落有無誰敢和人人盡欲出常流折合還歸炭裏坐

洞山五王子頌孟霜諸禪師出題洞山悟本大師頌

誕生

天然貴胤本非功德合乾坤育勢隆始末一期無雜種分宮六宅不他宗上和下睦陰陽順共氣連枝器量同欲識誕生王子父鶴騰霄漢出銀籠

朝生

苦學論情世莫群出來九事已超倫詩成五字三冬雪筆落分毫四海雲萬卷積功彰聖代一心忠孝輔明君益益梅不是生知得金榜何勞顯至勲

末生

夕棲巖嶽用功夫草榻柴扉守至孤十載見聞心自委一身冬夏衣縑無澄疑愁笑三秋思清苦高名上哲圖業就帝科酬極志比來臣相不當途

化生

傍分帝命為傳持萬里山河布政威紅影日輪疑下

界碧油風冷暑炎時。高位豈廢尊卑奉。五袴蘇塗遠
近知。妙印手持煙塞靜。當陽那肯露纖機。

內生

九重深密復何宣。掛弊興來顯妙傳。祇奉一人天地
貴。從他諸道自分權。紫羅帳合君臣隔。黃閣簾垂禁
制全。為汝方愚宮屬戀。遂將黃葉止啼錢。

通明因緣四則

唐高宗帝遣內侍薛簡馳書詔六祖禪師。師辭疾不
赴。簡遂問師如何。是大乘見解。師曰。明與無明。其性
無二。無二之性。即是佛性。佛性者。處凡愚而不滅。在

賢聖而不增。住煩惱而不亂。居禪定而不寂。不斷不
常。不來不去。不住中間。及其內外。不生不滅。性相如
如。常住不遷。名之曰道。簡曰。師說不生不滅。何異外
道。師曰。外道說不生不滅者。以滅止生。以生顯滅。我
說不生不滅者。本自無生。今則無滅。所以不同。外道
你欲會心要。但一切善惡都莫思量。自然得入清淨心
體。湛然常寂。妙用恒沙。簡蒙指教。豁然開悟。拜辭歸
闕。表奏師語。帝復詔

潭州太守王尚書。叅長沙和尚。書才入門。師乃召尚
書。書應諾。師曰。不是尚書。本命書。曰。離却。即今祇對

莫別有第二主人公也。師曰：喚尚書作今上得麼？書曰：焦麼？則見祇對是弟子主人公去也。師曰：此是無始劫來識神書，乃罔措。師有頌曰：學道之人不悟真，祇為從前認識神。無始劫來生死本，癡人喚作本來人。則監院在法眼會下，並不入室。眼因問曰：你是甚處人？則曰：某處人。眼曰：在此得多少時？則曰：三年。眼曰：你是後生，尋常何不問事？則曰：某不敢謾和尚。曾往關西見青峯和尚，得箇安樂處。眼曰：你因什麼語句得入？則曰：因問如何是學人自己。峯云：丙丁童子來求火。眼曰：好語，祇恐你不會。汝試說看。吾為汝證據。

則曰：南方屬火，將火來覓火，將自己來覓自己。眼曰：情知你不會佛法，若如此，何得到今日？則躁悶。次日，起離眼問侍者：則監院在甚處者？云：已起去也。眼曰：此僧若過江去，救伊不得也。則於中路思惟：他是五百人善知識，我是常僧，他道我不是，必有長處。却回禮拜懺悔曰：某昨蒙和尚發問，不契尊意，故來懺謝。眼曰：前來因緣還會也未？則曰：祇為疑著，告和尚決破。眼曰：汝今問我，則便問如何是學人自己？眼曰：丙丁童子來求火，則於言下忽然有省。侍奉十秋後，李王請開堂，王與眼俱在會下。有僧問龍吟霧起，虎嘯

風生學人知是出世邊事。某到此爲甚不會。則曰會取好。僧舉首看。則又看法眼。乃抽身入衆。眼與王當時失色。眼歸方丈。令侍者喚問話。僧至。眼曰。上座適來問底話。許你具眼。你於人天衆前。何不禮拜覆却。便撼一坐具。其僧三日後吐光而終。

雲居齊和尚。因在清涼法燈會中。爲藏主。有僧問燈。如何是祖師西來意。燈云。不東不西。時有同叅光長老。問云。和尚今日對這僧語甚好。燈云。師弟作麼生。會光曰。不東不西。燈低頭不語。先去後。齊藏主至。燈曰。光師弟。雖出世。元來未會禪。在老僧今日對底話。

是伊不會。却問齊。你作麼生會。齊曰。他問祖師西來意。和尚對他道。不東不西。燈笑云。你見解元來。共他一般。齊變色而退。三日不安。乃云。他是奇人。我何護短。乃於初夜入方丈。燈曰。阿誰。曰。道齊。燈曰。藏主作麼生。齊曰。前日公按未了。被和尚問著。得三日不安。其實不會。願和尚慈悲。爲某突破。燈曰。藏主他家自有兒孫在。齊忽然有省。乃有頌曰。接物利生絕妙外。生終是不肖。他家自有兒孫將來使用恰好。

高城和尚歌

古人重義不重金。曲高和寡無知音。今時學士還如

此語嘿動用跡難尋。所嗟世上歧途者。終日崎嶇枉
用心。平坦拘攣不肯取。要須登陟訪椿林。窮子捨父
遠逃逝。却於本舍絕知音。貧女宅中無價寶。却將小
秤買他金。心無相用能深。無常境界不能侵。運用能
隨高與下。靈光元不是浮沉。無相心能運耀。應聲應
色隨方照。雖在方而不在方。任運高低物。能妙尋無
頭。復無尾。燄光運運從何起。祇者如今全是心。心用
明。心復何爾不居方。何處覓運用。無蹤復無跡。識取
如今明密人。終朝莫漫別求的。懃心學近叢林。莫將
病眼認花針。說教本窮無相理。廣讀元來不識心。識

取心了取境。識心了境。禪河靜但知了境。便識心。萬
法都如闍婆影。勸且學。莫為師不用登高。向下窺平
源。不用金剛鑽。險仞之中。錯下錐。向前來。莫人我山
僧有曲無。入和了境。心空即法王。不用綾羅。將為播
大幽邃。不思議。可中學得大希奇。自家懷却真寶藏。
終日從他乞布衣。取境界。妄情生。祇如水上。一波成。
但能當境。無情繫。還如水面。本來平。應大軀。應小軀。
運用。祇如隨意珠。披毛戴角形。雖異應物之情。體不
殊。應眼時。若干日。萬像不能逃。影質凡夫。祇是未曾
觀。那得自輕而退。屈應耳時。若幽谷大小音。聲無不

足十方鐘鼓一時鳴靈光運運常相續應意時絕分
別照燭森羅怕不歇透過山河石壁間要且照時常
寂滅境自虛不須畏終朝照燭九無對設爾任持淨
幻身運用都來舌身意

趙州和尚十二時歌

雞鳴丑愁見起來還漏逗裙子偏衫箇也無絮淡形
相些些有裨無罽袴無口頭上青灰三五斗比望修
行利濟人誰知變作不唧溜

平旦寅荒村破院實難論解齋粥米全無粒空對閑
窓與隙塵唯雀噪勿人親獨坐時聞落葉頻誰道出

家憎愛斷思量不覺淚沾巾

日出卯清淨却翻為煩惱有為功德被塵慢無限田
地未曾掃攢眉多稱心少耐東村黑黃老供利不
曾將得來放驢喫我堂前草

食時辰煙火徒勞望四隣饅頭餛子前年別今日思
量空嚙津持念少嗟歎頻一百家中無善人來者祇
道覓茶喫不得茶啗去又嗔

禺中巳削髮誰知到如此無端被請作村僧屈辱飢
悽受欲死胡張三黑李四恭敬不曾生些子適來忽
爾到門頭唯道借茶兼借紙

日南午茶飯輪還無定度行却南家到北家東至北
家不推註苦沙鹽大麥醋蜀黍米飯齏蒿苣唯稱供
養不等閑和尚道心須堅固

日昃未者回不踐光陰地曾聞一飽忘百飢今日老
僧身便是不習禪不論義鋪箇破蓆日裏睡想料上
方堯率天也無如此日炙背

晡時申也有燒香禮拜人五箇老婆三箇癭一雙面
子黑皴皴油麻茶實是珍金剛不用苦張筋願我來
年梵蟲麥孰羅睺羅兒與一文

日入酉除却荒涼更何守雲水高流定委無歷寺沙

弘鎮長有出格言不到口枉續牟尼子孫後一條柱
杖麈尾棘不但登山兼打狗

黃昏成獨坐一間空暗室陽酸燈光永不逢眼前純
是金州漆鐘不聞虛度日唯聞老鼠鬧啾啾憑何更
得有心情思量念箇波羅蜜

人定亥門前明月誰人愛向裏唯愁卧去時勿箇衣
裳著甚蓋劉維那趙五戒口頭說善甚竒怪任你山
僧囊聲空問著都緣惚不會

半夜子心境何曾得暫止思量天下出家人似我住
持能有幾土榻牀破蘆簾老榆木枕全無被尊像不

燒安息香灰裏唯聞牛糞氣

永嘉真覺大師證道歌

君不見絕學無爲閑道人，不除妄想不求真。無明實性即佛性，幻化空身即法身。法身覺了無一物，本源自性天真佛。五陰浮雲空去來，三毒水泡虛出沒。證實相無人法，刹那滅却阿鼻業。若將妄語誑衆生，自招拔舌塵沙劫。頓覺了如來，禪六度萬行體中圓。夢裏明明有六趣，覺後空空無大千。無罪福無損益，寂滅性中莫問覓。比來塵鏡未曾磨，今日分明須剖析。誰無念誰無生，若實無生無不生。喚取機關木人問。

求佛施功早晚成，放四大莫把捉。寂滅性中隨飲啄，諸行無常一切空。即是如來大圓覺，決定說表真僧。有人不肯任情徵，直截根源佛所印。摘葉尋枝我不能，摩尼珠人不識。如來藏裏親收得，六般神用空不空。一顆圓光色非色，淨五眼得五力。唯證乃知難可測，鏡裏看形見不難。水中捉月爭拈得，常獨行常獨步。達者同遊涅槃路，調古神清風自高。貌頽骨剛人不顧，窮釋子口稱貧實是身。貧道不負貧，則身常披縷。褐道則心藏無價珍，無價珍用無盡利物應。緣終不悛三身四智體中圓，八解六通心地印。上士一決

一切了中下多聞多不信但自懷中解垢衣誰能向
外誇精進從他謗任他非把火燒天徒自疲我聞恰
似飲甘露銷融頓入不思議觀惡言是功德此則成
吾善知識不因訕謗起怨親何表無生慈忍力宗亦
通說亦通定慧圓明不滯空非但我今獨達了恒沙
諸佛體皆同師子吼無畏說百獸聞之皆腦裂香象
奔波失却威天龍寂聽生欣悅遊江海涉山川尋師
訪道為參禪自從認得曹溪路了知生死不相關行
亦禪坐亦禪語默動靜體安然縱遇鋒刃常坦坦假
饒毒藥也閑閑我師得見然燈佛多劫曾為忍辱仙

幾迴生幾迴死生死攸攸無定止自從頓悟了無生
於諸榮辱何憂喜入深山住蘭若岑峯幽邃長松下
優遊靜坐野僧家閑寂安居實蕭灑覺即了不施功
一切有為法不同住相布施生天福猶如仰箭射虛
空勢力盡箭還墜招得來生不如意爭似無為實相
門一超直入如來地但得本莫愁末如淨瑠璃含寶
月我今解此如意珠自利利他終不竭江月照松風
吹水夜清宵何所為佛性戒珠心地印霧露雲霞體
上衣降龍鉢解虎錫兩銚金鏢鳴歷歷不是標形虛
事持如來寶杖親蹤跡不求真不斷妄了知二法空

無相無相無空無不空即是如來真實相心鏡明鑒
無礙廓然瑩徹周沙界萬像森羅影現中一顆圓光
非內外豁達空撥因果莽莽蕩蕩招殃禍棄有著空
病亦然還如避溺而投火捨妄心取真理取捨之心
成巧偽學人不了用修行深成認賊將為子損法財
滅功德莫不由斯心意識是以禪門了却心頓入無
生知見力大丈夫秉慧劍般若鋒兮金剛燄非但空
摧外道心早曾落却天魔膽震法雷擊法鼓布慈雲
兮灑甘露龍象蹴踏潤無邊三乘五性皆醒悟雪山
肥膩更無雜純出醍醐我常納一性圓通一切性一

法徧含一切法一月普現一切水一切水月一月攝諸
佛法身入我性我性同共如來合一地具足一切地
非色非心非行業彈指圓成八萬門剎那滅却三祇
劫一切數句非數句與吾靈覺何交涉不可毀不可
讚體若虛空勿涯岸不離當處常湛然覓即知君不
可見取不得捨不得不可得中祇麼得默時說說時
默大施門開無擁塞有人問我解何宗報道摩訶般
若力或是或非人不識逆行順行天莫測吾早曾經
多劫修不是等閑相誑惑建法幢立宗旨明明佛勅
曹溪是第一迦葉首傳燈二十八代西天記入此土

菩提達磨為初祖六代傳衣天下聞後人得道何窮
數真不立妄本空有無俱遣不空空二十空門元不
著一性如來體自同心是根法是塵兩種猶如鏡上
痕痕垢盡除光始現心法雙亡性即真嗟末法惡時
世眾生薄福難調制去聖遠兮邪見深魔強法弱多
怨害聞說如來頓教門恨不滅除令瓦碎作在心殃
在身不須怨訴更尤人欲得不招無間業莫謗如來
正法輪栴檀林無雜樹鬱密森沈師子住境靜林間
獨自遊走獸飛禽皆遠去師子兒眾隨後三歲便能
大哮吼若是野狂逐法王百年妖怪虛開口圓頓教

沒人情有疑不決直須爭不是山僧逞人我修行恐
落斷常坑非不非是不是差之毫釐失千里是即龍
女頓成佛非即善星生陷墜吾早年來積學問亦曾
討疏尋經論分別名相不知休入海筭沙徒自困却
被如來苦訶責數他珍寶有何益從來蹭蹬覺虛行
多年枉作風塵客種性邪錯知解不達如來圓頓制
二乘精進勿道心外道聰明無智慧亦愚癡亦小駸
空拳指上生實解執指為月枉施功根境法中虛捏
怪不見一法即如來方得名為觀自在了即業障本
來空未了還須償宿債飢逢王膳不能食病遇醫王

爭得差在欲行禪知見力火中生蓮終不壞勇施犯
重悟無生早時成佛于今在師子吼無畏說深嗟蒙
懂頑皮韃祇知犯重障菩提不見如來開祕訣有二
比丘犯姪殺波離螢光增罪結維摩大士頓除疑猶
如赫日消霜雪不思議解脫力妙用恒沙也無極四
事供養敢辭勞萬兩黃金亦銷得粉骨碎身未足酬
一句了然超百億法中王最高勝恒沙如來同共證
我今解此如意珠信受之者皆相應了了見無一物
亦無人亦無佛大千沙界海中漚一切聖賢如電拂
假使鐵輪頂上旋定慧圓明終不失日可冷月可熱

眾魔不能壞真說象駕崢嶸謾進途誰見螳螂能拒
轍大象不遊於兔徑大悟不拘於小節莫將管見謗
蒼蒼未了吾今爲君決

杯度禪師一鉢歌

遇刺刺開聒聒盡是悠悠造抹搥如飢喫鹽加得渴
枉却平生頭枿枿究竟不能知始末拋却死屍何處
脫努力勸君求解脫閑事到頭須結撮火落身上當
頭撥莫待臨時叫菩薩丈夫語話須豁豁莫學癡人
受摩拚趁時裏結要擺撥也學柔和也麤糲也剃頭
也披褐也學凡夫作生活直言向君君未達更作長

歌歌一鉢一鉢歌多中一一中多莫笑野人一鉢歌
緣持此鉢度娑婆青天朗朗月初上此時境空含萬
像幾處浮生自是非一源真性無來往更莫將心造
水泡百毛流血為誰教不如靜坐真如地頂上從他
鵲作巢萬代金輪聖王子祇者真如靈覺是菩提樹
下度衆生度盡衆生不生死不死真丈夫無形無
相大毗盧塵勞滅盡真如現一顆圓明無價珠眼不
見耳不聞不見不聞真見聞從來一鉢無言說今日
千言強為分須諦聽人人盡有真如性恰似黃金在
鑛中練去練來金體淨真是妄妄是真若除真妄更

無人真心莫謾生煩惱衣食隨時養色身好也著惡
也著一切無心無染著也無惡也無好三際坦然平
等道麤也食細也食莫學凡夫相上觀也無麤也無
細上方香積無根蒂坐也行行也坐生死樹下菩提
果也無坐也無生無生何用覓無生生也得死也得
處處當來見彌勒也無生也無死三界如來惣如此
離則著著則離幻化門中生實義也無離也無著何
處更求治病藥語時默默時語語默默尋蹤無處所也
無語也無默莫喚東西作南北真時喜喜時真我自
降魔轉法輪也無真也無喜水不離波波即水怪時

捨捨時慳不離內外及中間也無慳也無捨寂寂寞
寞無可把苦時樂樂時苦祇者修行斷門戶也無苦
也無樂本來二性無纏縛垢則淨淨則垢兩邊究竟
無前後也無垢也無淨大千同一真如性藥是病病
是藥到頭兩事渾拈却亦無藥亦無病正是如來靈
覺性魔作佛佛作魔鏡裏尋形水上波也無魔也無
佛三世本來無一物凡則聖聖則凡色裏膠清水裏
鹹亦無凡亦無聖萬行揔持無一行真中假假中真
自是凡夫起妄塵亦無真亦無假欲覓契時何應喏
本來無性亦無名祇麼騰騰信脚行有時鄜市并屠肆

由
傳
燈

一朵紅蓮火裏生也曾策杖游京洛身似浮雲無定
著幻化猶來是寄居他家何處更清虛若覓戒三毒
瘡癢幾時瘥若覓禪我自縱橫汨論眠大可憐不是
顛世間出世天中天時人不會此中意打著南邊動
北邊若覓法雞足山頭問迦葉大士持衣在此中本
來不用求專甲若覓經法性真源無可聽若覓律窮
子不須教走出若覓修八萬浮圖何處求祇知黃葉
止啼哭不覺黑雲遮日頭莫怪狂言無次第臨籬漸
入麤中細祇這麤中細也無即是圓明真實諦真實
諦本非真但有名聞即是塵若向塵中解真實便是

堂堂出世人莫造作獨行獨步空索索無生無死無
涅槃本來生死不相干無是無非無動靜莫謾將身
入空井無善惡無去來也無明鏡掛高臺山僧見解
祇如此不信從他造劫灰

佛眼三自省

是身壽命如駒過隙何暇閑情妄為雜事既隆釋種
須紹門風諦審先宗是何標格 道業未辦去聖時
遙善友師教誠不可捨自生勸勵念報佛恩惟已自
知大心莫退 報緣虛幻豈可強為浮世幾何隨家
豐儉苦樂逆順道在其中動靜寒溫自愧自悔

馮山大圓禪師警策

夫業繫受身未免形累稟父母之遺體假衆緣而共
成雖乃四大扶持常相違背無常老病不與人期朝
存夕亡刹那異世譬如春霜曉露倏忽即無岸樹井
藤豈能長久念念迅速一刹那間轉息即是來生何
乃晏然空過父母不供甘旨六親固已棄離不能安
國治邦家業頓捐繼嗣緬離鄉黨剃髮稟師內勤尅
念之功外弘不諍之德迥脫塵世冀期出離何乃纒
登戒品便言我是比丘檀越所須契用常住不解付
思來處謂言法爾合供喫了聚頭喧喧但說人間雜

話然則一期赴樂不知樂是苦因曩劫徇塵未嘗返
省時光淹沒歲月蹉跎受用殷繁施利濃厚動經年
載不擬棄離積聚滋多保持幻質導師有勅戒勗比
丘進道嚴身三常不足人多於此耽寐不休日往月
來颯然白首後學未聞旨趣應須博問先知將謂出
家貴求衣食佛先制律啓創發蒙軌則威儀淨如水
雪止持作犯束斂初心微細條章革諸猥弊毗尼法
席曾未叨陪了義上乘豈能甄別可惜一生空過後
悔難追教理未嘗措懷玄道無因契悟及至年高臘
長空腹高心不肯親附良朋唯知倨傲未諳法律載

斂全無或大語高聲出言無度不敬上中下座婆羅
門聚會無殊椀鉢作聲食畢先起去就乖角僧體全
無起坐忪諸動他心念不存些些軌則小小威儀將
何束斂後昆新學無因做數纔相覺察便言我是山
僧未聞佛教行持一向情存篋操如斯之輩蓋為初
心慵墮饕餮因循荏苒人間遂成踈野不覺躑躅老
朽觸事面墻後學咨詢無言接引縱有談說不涉典
章忽被輕言便責後生無禮瞋心憤起言語該人一
朝卧疾在床衆苦縈纏逼迫晡夕思忖心裏惘惶前
路茫茫未知何往從茲始知悔過臨渴掘井奚為自

恨早不預修年晚多諸過咎臨行揮霍怕怖惺惶毅
穿雀飛識心隨業如人負債強者先牽心緒多端重
處偏墜無常殺鬼念念不停命不可延時不可待人
天三有應未免之如是受身非論劫數感傷歎訝哀
哉切心豈可緘言遞相警策所恨同生像季去聖時
遙佛法稀疎人多懈怠畧申管見以曉後來若不蠲
矜誠難輪逭夫出家者發足超方心形異倍紹隆聖
種震攝魔軍用報四恩拔濟三有若不如此濫廁僧
倫言行荒踈虛露信施昔年行處寸步不移恍惚一
生將何憑恃况乃堂堂僧相容貌可觀皆是夙植善

因感斯異報便擬端然拱手不貴寸陰事業不勤功
果無因尅就豈可一生空過抑亦來業無裨辭親決
志披緇意欲等超何所曉夕思忖豈可遷延過時心
期佛法棟梁用作後來龜鏡常以如此未能少分相
應出言須涉於典章談說乃傍於稽古形儀挺特意
氣高閑遠行要假良朋數數清於耳目住止必須擇
伴時時聞於未聞故六生我者父母成我者朋友親
附善者如霧露中行雖不濕衣時時有潤狎習惡者
長惡知見曉夕造惡即目交報沒後沉淪一失人身
萬劫不復忠言逆耳豈不銘心者哉便能澡心育德

晦迹韜名蘊素清神喧囂止絕若欲參禪學道頓超
方便之門心契玄津研幾精妙決擇深奧啓悟真源
傳問先知親近善友此宗難得其妙切須子細用心
箇中頓悟正因便是出塵階壘此則破三界二十五
有內外諸法盡知不實從心變起悉是假名不用將
心湊泊但情不附物物豈礙人任他法性周流莫斷
莫絕聞聲見色蓋是尋常這邊那邊應用不闕如斯
行止實不枉被法服亦乃酬報四恩拔濟三有生生
若能不退佛階決定可期往來三界之賓出沒爲他
作則此之一學最妙最玄但辨肯心必不相賺若有

中流之士未能頓超且於教法留心溫尋貝葉精搜
教理傳唱敷揚接引後來報佛恩德時光亦不虛棄
必須以此扶持住止威儀便是僧中法器豈不見倚
松之葛尚聳千尋附托勝因方能廣益懇修齋戒莫
謾虧逾世世生生殊因妙果不可等閑過日兀兀度
時可惜光陰不求昇進徒銷十方信施亦乃辜負四
恩積累轉深心塵易壅觸途成滯人所輕欺古云彼
既丈夫我亦爾不應自輕而退屈若不如徒在緇
門荏苒一生殊無所益伏望興決烈之志開特達之
懷舉措看他上流莫擅隨於庸鄙今生便須決斷料

想不由別人息意志緣莫與諸塵作對心空境寂抵
為久滯不通熟覽斯文時時警策強作主宰莫徇人
情業果所牽誠難逃避聲和響順形直影端因果歷
然豈無憂懼故經云假使百千劫所作業不忘因緣
會遇時果報還自受故知三界刑罰縈絆殺人努力
勤修莫空過日深知過患方乃相勸行持願百劫千
生處處同為法侶乃為銘曰

幻身夢宅 空中物色 前際無窮 後際寧尅
出此沒彼 昇沉疲極 未免三輪 何時休息
貪戀世間 陰緣成質 從生至老 一無所得

根本無明 因茲被惑 光陰可惜 刹那不測
今生空過 來世窒塞 從迷至迷 皆因六賊
六道往來 三界匍匐 早訪明師 親近高德
決擇身心 去其荆棘 世自浮虛 衆緣豈逼
研窮法理 以悟為則 心境俱捐 莫記莫憶
六根怡然 行住寂默 一心不生 萬法俱息
釋迦如來成道記 金湯編八王勅章載之

唐太原王

勅

撰

觀夫釋迦如來之垂迹也淨法界身本無出沒大悲
願力示現受生泊堯率陞天為護明菩薩降迦毗羅

國號一切義成金團天子選其家淨飯聖王為其父
玉象乘日示來於大術胎中金輪作王創誕於無憂
樹下八十種隨形之妙好采若芬花三十二大士之
相儀皎如圓月十方而各行七步九水而共沐一身
現優曇花作師子吼言胎分之已盡早證常身為度
生以還來今垂化迹於是還羈襪祿示類嬰兒為占
相也悲悵於阿私陀仙往郊祠也驚起於大自在廟
或為童子或學聲明為講武也箭塔箭井猶存為捕
力也象跡象坑仍在受欵樂於十歲現遊觀於四門
樂沙門身狀老病死於是澡餅天子以警覺彰伎女

之醜容淨居天人以捧持躍車匿而嚴駕逾春城於
八夜接雪嶺於六年人辭愴戀主之心馬舐落連珠
之淚揮寶刀而落紺髮塔起天宮將袞服以質皮衣
形叅山鹿扣林仙之所得了世定之非真食麥食麻
降苦降樂且瑤琴奏曲必自中而曲成佛果圓因亦
假中而果滿由是擇其處也過龍窟浴其身也入連
河示其食也受難陀之乳糜示其座也受吉祥之茹
草以寂後之勝體誦菩提之道場圓解脫之深因登
金剛之寶座一百四十功德不共二乘八萬四千法
門高超十地由是魔軍威懾於慈力恐怖旋歸媚女

敗毒於定心。熾羸變質於是堅牢。地神踴躍而作證。虛空天子展轉而報知。類蓮花而出水。赫煥無方。若桂月以懸空。光明洞徹。經七日受提。謂之麩蜜。警以少小之言。垂一音。授賈客之戒。歸賜與人天之福。既成佛已。觀所化緣。悲二仙而不遇。雷音喜五人而堪從。法化然以塵根。昧劣聖智。淵深順其法。則法不應根。順其根。則根不達法。莫不為愛河之長。溺緣癡樂之所盲。苟不利於當聞。仍假言而入滅。於是忉利帝釋雲。驅於三十三天。堪忍界王霧擁於一十八梵頭。面作禮致敬。專精請轉法輪。勸隨宜說。如來尋念善

逝通規。順古佛之嘉謨。應犀機之鄙欲。於是十方佛現。同興讚美之辭。一法乘分。共創塵勞之域。由是起道樹。詣鹿園。三月調根。五人得度。憍陳如悟慈尊之首唱。創解標名。舍利弗逢馬勝。以傳言於途。見諦採菽氏。繼踵以師事。率門屬以同歸。迦葉氏彙迹以降心。頌火徒而回席。莫不以甘露洪澍。末尼普應天界。人界。鷲林。尸林。或鷲池。或鷲嶺。或海甸。或菴園。或伽猴江。或火龍窟。或住波羅柰。或居摩竭提。或依堅固林。或止音樂樹。或海濱楞伽頂。或山際補陀岩。或伽蘭陀竹園。或舍衛國金地。或應念而空現。或沒山而

出宮或說法假於六方或變身而為三尺或掌覆指
變或光流佛來或一身普集於多身或此界復明於
它界或變淨而以淨覆穢或隨俗而即俗明真若空谷
之谷響鴻鐘之待扣已其間所說阿含四有般若八
空密嚴華嚴佛藏地藏思益天之請問楞伽山之語
心萬行首楞嚴一乘無量義大悲芬陀利法炬陀羅
尼無垢稱之說經須達拏之瑞應本事本生之別諷
誦重誦之殊象馬兔三獸之渡河羊鹿牛三車之出
宅或謂之有空守中也或謂之無轉照持也或謂之
頓也漸也或謂之半也滿也或無說而常說或不聞

而常聞或保任而可憑或加被而不忘無小而不大
無邊而不中三乘同入一佛乘三性同歸一法性真
可謂父母孩孺導師險夷懸卽月於幽霄布慈航於
幻海為雲為雨使枯槁以還滋為救為歸指窮途於
壽域暨乎所作已辦功成不居將返本以還源類薪
盡而火滅繇是指力地詣金河光流面門相驚塵刹
山搖地動俱興苦痛之聲異類變容同現奢花之血
受純陀之後供納毗夜之密言唱四德以顯三伊指
萬有而歸一性誦多羅迦葉四十二請問已周度須
跋陀羅八十一化緣將畢破十仙之橫計使獲朝聞

建四塔之崇規遐滋末葉將欲明有為之有戒表無相以無生上升金剛身往復虛空界日月其猶墜落螢火如何久留誠有常身使無放逸於是還登玉座首卧鶴林遍遊三昧之門將復一真之性逆入順入全超半超依四禪之等持湛三點之圓寂是時也人天叫躡鳥獸哀啼飄風驟雲山吼波逆案輪王之古式方俟葬儀命力士以捧持竟無能動繇是金棺自舉遶拘尸之大城寶炬不然駐闍維之盛禮莫不未生怨在於王舍創結夢於十號慈尊大迦葉遠下雞峯獲瞻禮於千輻輪足畢以堯羅緻疊聖火自焚蕪

五衆旃檀之薪注帝釋金瓶之水彼願力猶在悲心尚熏碎金剛之勝身為舍利之遺骨於是八國嚴衛四兵肅容各自捧於金壘竟歸興於寶塔於是若牙若髮迦葉波禮於忉利天宮或炭或灰無憂王建於瞻部洲界若乃金言道在塵劫法存象王去而象子隨一燈滅而一燈續莫不大迦葉雲迎千衆阿難陀雷吼三輪商那表定於未來翬多化等而盈室始自壞梁之感終乎流乳之徵餅器異而水必同燈點殊而光終一是以大乘之真空妙有文殊弥勒異其宗小乘而分疊拈金上座大衆元其部或十支宏闡或

千部鬱與馬鳴龍樹繼其芳無著天親播其美或提
婆鑿眸而作器陳那吼石以飛聲或百偈齊祛於外
宗或十師翊贊於遺頌或聞經而夜升堦率或待佛
而窟寄脩羅或劔誓首以要期或象馱金而請釋或
賞能而食邑或得勝而建幢或論般若之理也名燈
或究俱舍之非也名霄莫不殊塗異轍終會一源自
有及空咸歸萬德自商周見虹貫炎漢夢金人教及
神州聲流華夏勃叨生季世獲奉真譚雖錄續而以
叙金言在飄零而不逢玉相見聞盡爾宗致昭然蓋
委遺文不復備而言也而為銘曰

化起從本源	功成應賢劫	萬行顯真宗
三祇積鴻業	為法出於世	降靈示分脇
眉橫天帝弓	目帶青蓮葉	仙師相垂淚
天神爭捧接	灌頂當在宮	飛輪化彌帖
宗承天日貴	象貫師子頰	善教誰與傳
抨彈獨豪俠	遊觀驚老死	逾城弃臣妾
落髮親寶刀	賀衣遇羣獵	寄跡狎麋鹿
苦身示羸怯	食糜人盡知	坐草魔方懾
潔若蓮出水	明如鏡開匣	山海類高深
雲雷等辭捷	三時教彌闡	萬類根自愜

四問聊欲酬

十仙度相躡

補處記慈氏

遺文囑迦葉

卧樹徒載春

香薪已焚甃

悲心及綿遠

舍利光焯焯

獨我生後時

餘波幸露涉

釋迦如來成道記

終

永安僧堂記

無盡居士述

志
警訓

古之學道之士灰心泯智於深山幽谷之間穴土以
為廬約草以為衣掬溪而飲煮藜而食虎豹之與鄰
猿狙之與親不得已而聲名腥鄉文彩發露則枯槁
同志之士不遠千里裹糧躡屩來從之遊道人深拒

之而不受也則為之樵蘇為之春炊為之掃洒為之
刈植為之給待奔走凡所以効勞苦致精一積月累
歲不自疲厭觀師見而愍之賜以一言之益而超越
生死之岸烏有今日所謂堂殿宮室之華床榻卧具
之安氈幄之溫簟席之涼牕牖之明巾單之潔飲食
之盛金錢之饒所須而具所求而獲也哉嗚呼古之
人吾不得而見之矣因永安禪院之新其僧堂也得
以發吾之緒言元祐六年冬十一月吾行即過臨川
聞永安主僧老病物故以堯宰從悅之徒了常繼之
常陞堂說法有陳氏子一歷耳根生大欣慰謂常曰

諦觀師誨前此未聞當有淨侶雲集而僧堂狹陋何
以待之願出家貲百萬為衆更造明年堂成高廣宏
曠殆甲江右常遣人來求文曰公迫常於山而及此
也幸卒成之吾使謂常擊鼓集衆以吾之意而告之
曰汝等比丘此堂既成坐卧經行惟汝之適汝能於
此帶刀而眠離諸夢想則百丈即汝汝即百丈若不
然者昏沉睡眠毒蛇伏心暗冥無知晝入幽壤汝能
於此跏趺宴坐深入禪定則空生即汝汝即空生若
不然者猕猴在檻外觀樁栗雜想變亂坐化異類汝
能於此橫經而誦研味聖意因漸入頓因頓入圓則

三藏即汝汝即三藏若不然者春禽晝啼秋虫夜鳴
風氣所使曾無意謂汝能於此閱古人話一見千悟
入紅塵裏轉大法輪則諸祖即汝汝即諸祖若不然
者狗齧枯骨鷓啄腐鼠鼓喙呀唇重增飢火是故拈
為垢淨列為因果判為情想感為苦樂漂流汨沒極
未來際然則作此堂者有損有益居此堂者有利有
害汝等比丘宜知之汝能斷毗盧髻截觀音臂剗文
殊目折普賢脛碎維摩座焚迦葉衣如是受者黃金
為瓦白銀為壁汝尚堪任何況一堂戒之勉之吾說
不虛了常諮叅悅老十餘年盡得其末後大事蓋古

德所謂金剛王寶劍云耳

三德

輕軟

淨潔

如法

六味

甘

辛

鹹

苦

酸

淡

七利

色力壽樂詞辯除風消積消飢消渴

諸祖偈頌上卷後

臨濟正宗記 九峯惠和尚收鎮山開

臨濟正宗自馬師黃蘗闡大機發大用脫籠羅出窠
曰虎驟龍馳星飛電激卷舒擒縱皆據本分綿綿的
的到興化風穴唱愈高機愈峻西河弄獅子霜華奮
金剛王非深入閩奧親授印記皆莫知端倪徒自名
邈只益戲論大抵負沖天氣宇格外提持不戰屈人
兵殺人不眨眼尚未髣髴其趣向况移星換斗轉天
輪迴地軸邪是故示三玄三要四料簡四主賓金剛
王寶劍踞地師子一喝不作一喝用探竿影草一喝

分賓主照用一時行許多絡索多少學家搏量注解殊不知我王庫內無如是刀弄得出來看底只眨得眼須是它上流契證驗認正按旁提還它本分種草豈假梯媒只如寶壽開堂三聖推出一僧壽便打聖云你與麼為人非但瞎却這僧瞎却鎮州一城人眼去在壽擲下拄杖便下座興化見同叅來便喝僧亦喝化又喝僧復喝化云你看這瞎漢直打出法堂侍僧問有何相觸悞化云是他適來也有權也有實也有照也有用我將手向伊面前橫兩遭到這裏去不得似這般瞎漢不打更待何時看它本色宗風迥然

殊絕不貴作畧只欽它眼正要扶荷正宗提持正眼須是透頂透底徹骨徹髓不涉廉纖迥然獨脫然後的的相承可以起此大法幢然此夫法炬也繼它馬師百文黃蘗臨濟首山楊岐不為忝竊尔

宗杲首座生平游叢席徧見大有道之士十餘年軒昂騰踏不可羈縻曾於渚宮與無盡公投契公雅重其器度每祝之應須見佛采宣和中會被

旨領天寧渠即先一日入堂已而造室中發語果異常因關無黨後話及乃知其為曇晦經夏擊揚緣升座舉諸佛出身處薰風自南來即大瞥地自尔命

之於方丈側晨夕與煅煉以白雲老師昔示有句渠
盡伎倆百種開展悉與列下幾乎以為心行移換初
無實地因至誠語之昔佛鑑與予正起如是謗但更
絕意探賸當不較多後來驀然猛省盡脫去機籌知
見玄妙因謂渠云正好參禪也即踊躍向前從頭一
加箴錐始浩然大徹予不喜得人但喜此正法眼藏
有覲得透徹底可以起臨濟正宗遂於稠衆指出令
分座訓徒久之會都下接攘相與謀出泚臨分書此
以作別間年餘乃自平江虎丘得之上歐阜再集主
山之次日入首座寮合山數百衲聳動屢作師子吼

揭示室中金捲栗蓬大鉗鍵本色久參之流靡不欽
服而德性愈恬穩洪無諍之風恬々不較勝負只欲
入深山幽谷教古老火種刀耕向鑿頭邊收拾攻苦
食淡兄弟木殮澗飲草衣茅舍避世埃時清平即不
廢悲願真大丈夫慷慨英靈奇傑之人所跂步也因
再為細書仍作此跋去建炎三年四月十七日住雲
居山園悟禪師

無邊量刹海藏之一粒粟洪注下滄溟攬之不盈掬
云尔不思議豈為真軌躅應知那一着千聖絕瞻矚
要須與麼人頂門闡三目脫畧煅金師論劫坐鷄足

碧眼老胡兒九年空面壁何如萬仞崖放身拚一擲
種草既乖角根機復超逸當陽掣飛電格外轟霹靂
不採寶山寶碎擊驪龍窟擡眸浮幢表鳴指橫八極
不自重已靈肯顧賢劫佛提起臨濟宗咄咄咄咄咄

圓悟禪師送大慧住庵

古德住山率刀耕火種不畜長物蕭然布衲鹿衣糲
食刻苦揭志意將大有為也有慕義學道兄弟相從
一切以寬量大肚皮包納之不暴怒不峻阻慈悲喜
捨以身帥之蓋大叢林中寬廣人衆各自相忘會聚
亦稀所以百種可以責望今庵居隘狹七五間茹舍

同作一處效唾動靜無不與耳目相接若一責之以
禮則以生怨動念驀地聲色相反便見參商却損
道義豈不見藥山數十年牛欄庵只七八人其後皆
為大法器而風穴白丁久之始三二相從後來麟象
駢臻答問汪洋謂之衆吼瀉山十載煮橡栗喫晚年
大安來遂着千五百衲大梅入深林幽谷初不與世
接因鹽官僧採拄杖乃逢之問酬徑截遂着半千人
今既以不得已作避世隱遁意全不在眼底正欲韜
晦俟時清平然後行自己志願豈可以小不忍而亂
大謀哉唯一切低細和同先慎自三業提向上那一

着子教兄弟日有趣向渠各自自然亦忘倦怠近于相
 競向前定也俗諺所謂相見易得好共住難為人要
 須廓落寬容半見半不見且齒長久亦令諸方聞之
 俗子見之皆贊善欽仰乃龍象蹴踏體裁步驟斷與
 常流異尔教中謂如為一人衆多亦然雖三家村五
 間小茆舍裏立成个本分規繩不嚴不緩凡百折衷
 它日便更多亦益辦也古人佩韋佩絃各攻自所
 偏墜唯務中道而行况聰明辯智過人豈不能照此
 細務但患遲俊太過一色使自已性久之便不恰好
 也公此去大有人相議論當應回轉勿使渠搏着亦
 得人

志公藥方

梁武帝問志公和尚如何修行得永劫不失人身志
 公荅貧道有一藥方往五蘊山中採取

不嗔心一具 常歡喜二兩 慈悲行三寸

忍辱根四椀 智慧性五升 精進意六合

除煩惱七顆 善知識八分

右件藥用聰明刀向平等砧上細剉去却人我根入

無礙曰中以金剛杵擣一千下用波羅密為丸每日
取八功德水服一丸即得永劫不失人身
服藥忌口

少語第一寶 忍辱無價珍 莫說他人過

終歸自損身 罵他還自罵 嗔佗還自嗔

譬如木中火 鑽山自燒身

武帝又問如何得成佛志公荅知無常解大理敬三
寶存終始好事行惡事止自取非與他是行平等無
彼此莫損人莫利己除貪嗔常歡喜若覓佛祇者是

國師對御

唐肅宗問國師去朕要設齋布施每聞僧尼間無戒
德如何即是荅曰荆山有玉尚雜塵沙麗水有金寧
無瓦礫土木作成羅漢敬之福生銅鐵鑄成金容毀
之有罪礼非玉帛不表樂非鍾鼓不傳但供養泥龍
自有真龍降雨供養凡僧自有真僧降福 陛下不
忘靈山囑付方毋輕僧慢法也帝去朕今後見小沙
弥如同佛想耳

天台大靜禪師坐禪銘

每當夜坐心念紛飛但將紛飛之心以究紛飛之處
究之無處則紛飛之念何存返究究心則能究之心

安在能照之智本空所緣之境亦寂寂而非寂者蓋
無能寂之人也照而非照者蓋無能照之境也境智
俱泯心念宛然外不尋知內不住定二途俱泯一性
怡然此乃還源之要道也天六略云坐禪切忌瞌睡默運
自己靈智

坐禪除睡呪

吉帝伊帝 彌帝毗伽帝 羯帝羯帝 波陁莎訶

唐禪月大師大隱四字龜鑑

在塵出塵如何處身見善努力聞惡莫親縱居暗室如對
大賓樂情養性逢危守身負如愚不愚修仁得仁謙讓為
本孤高作鄰少出為貴少語最珍孝無廢日時習知新
榮辱慎動是非勿詢常切責已切忌九人抱璞則足
與文厄陳古聖尚比吾徒奚伸安問世俗自任天真
奇哉快哉坦蕩怡神

佛印禪師降魔表

臣聞三乘路廣法界無涯智海晏清十方安泰時有
魔軍競起侵惱情田六賊既強心王驚動朝生百恠
暮長千邪幻惑真如因勞法體善提道路隔絕不通
破壞涅槃傷殘三寶無為珠玉盡被偷將大藏法財
皆遭奪去直得塵勞翳日慾火亘天漂蕩法城焚燒
聖境臣見茲暴亂恐佛法難存遂與六波羅密商量

同為剪滅聽探魔軍今在五蘊山中有八萬四千餘
衆既知體勢計在刹那遂點十八界雄兵並立體空
為號人人有無礙之力箇箇懷勇健之能真心為見
性之功一正去百邪之亂披堅固甲執三昧鎗架箭
彎弓携鋒杖劔向大城內訓練寂滅山中開旗入正
路邊排布遣大覺將為捉生上將遊歷四方搜尋妄
想之蹤抄截無明之路使慈悲王破三毒之寨令忍
辱師伐嗔恚之城精進軍除傲慢之妖喜捨將捉慳
貪之賊巨向平等山中布陣把定十惡之門部領摩
訶一時直入當鋒之際眼不觀色耳不聽聲鼻不聞

香舌不了味身不受觸意不攀緣一直向前念念不
斷倏忽魔軍大敗六賊全輸殺戮無邊掃除蕩盡生
擒妄想活捉無明領在涅槃山中慧劍斬為三段煩
惱當時摧折人我山化作微塵癡愛網遭智火焚燒
邪見海被道風吹竭從此三明再朗四智重圓內外
無瑕廓然清淨心王坐歡喜之殿真如登解脫之樓
自性遊無礙之堂三身踞不搖之座因茲法界寧靜
永絕冥塵共渡生死之河齊達菩提之岸魔軍既退
合具 奏聞

慈受禪師小叅警衆

此心清淨猶如虛空無一點相兒。空心動念全乖。法體纔退步便相應。只是不肯退步。纔放下便安樂。只是不肯放下。大都是無始劫來慣習成了也。古人李道先打當貧。嗔癡然後放教一切處冷啾啾地。如臘月裏扇子相似。直是無人覩着。忘得利名甘得淡薄。世間心輕微。道念自然濃厚。臨檐山和尚一生拾椽子。煮喫永嘉大師不喫鑊頭下菜。高僧慧休三十年著一納鞋百補千綴。遇軟地行則赤脚。恐損它信施信心物。難消它總是妻子口中戒。削將來供養你了。便要邀福。懺罪你十二時中種種受用。尺出它人之

眼

力未飢而食未寒而衣未垢而浴未困而眼道眼未明。心漏未盡如何消得。故古德云。為成道業。施將來道業未成。爭消得。山僧這裏不可與你諸人打粥飯。過日也。若是坐消。信施諸天不喜。麈茶淡飯也難消。它底如今初李比丘。飽食高眠。取信過日。猶嫌不稱。意在然出家之人。如一塊磨刀石。一切人要刀快。便來你石上磨。張三也來磨。李四也來磨。磨來磨去。別人刀快。自家石漸消薄。有底更嫌它人不來。我石上磨有甚便宜處。進食如進毒。受施如受箭。幣厚言甘。道人所畏。你灼然為道相應。乃兩黃金亦

能消得此事不是說了便休須是實到這個田地
始得高談大論瞞人自瞞大不濟事如今叢林無
人說着這般話也莫道焦山老漢說禪全無孔竅
記取記取珍重

古德垂訓

夫資生利潤非釋子之所談國器兵戈豈道人之所
論人間名利如夢幻不足稱揚世路是非似電影何
須分別門徒弟子類乘鳥宿於高枝眷屬親姻若逆
旅逢於陌路三衣併為一衲宗門意在省緣補破遮
寒貴免干於檀越隨緣飲啄任性浮沉擬欲多求恐

妨於道畧伸短見以示初機儻或可規希從踐矣

仰山飯

阮中大撰

仰山飯仰山飯粒粒如珠侶銀爛食者須知來處難
試為諸人畧拈看東皐西疇春早時耕夫餉婦寒且
飢土膏暮起農事動牛頸生瘡尚挽犁夏苗芳秀欲
成實無雨四天皆烈日皆枯面折汗流曾耕耨只恐狼
莠出秋深稻熟黃如雲晝割夜春甘苦辛里正催督
王租急官債私逋皆及身官債未償遭鞭朴私債未
償賣田屋父母妻兒飽幾曾家家留米饑齋粥住持
老僧公門求乞士化緣雞撮收手胼足胼不敢憚櫛

風沐雨何曾休五更雲堂門尚閉普供厨中人已起
為憂僧衆粥飯遲日日朝朝悉如是米泔滿地凝如
脂去麁存細運柴炊鑊湯煙焰甑釜熱作糝捨力良
勞疲長板声終木魚吼端坐禪床捧盃授細論變生
成熟功只恐闍黎難下口不從香積世界來亦非鬼
神供汝齋一匙一杓至一盞皆是檀那求福財維那白
槌侶雷吼十声佛号慵開口行益纔遲忿怒生第二
念中都忘了古人本為孝道忙遍尋知識遊諸方木
皮草葉供鑊煮豈有此飯充飢腸百歲光陰如夢幻
參請工夫宜早辦若還心地未明時佛也難消仰山飯

保寧勇師示看經

語錄一四

夫看經之法後學須知當淨三業若三業無虧則百
福俱集三業者身口意也

一 端身正坐如對尊顏即身業淨也

二 口無雜言斷諸嬉笑即口業淨也

三 意不散亂屏息妄緣即意業淨也

內心既寂外境俱捐方契悟於真源庶研窮於法理
可謂水澄珠瑩雲散月明義海湧於寶襟智岳凝於
耳目輒莫容易實非小緣心法双忘自它俱利若能
如是真報佛恩

相上

三

一淨手不乾

二開展行長

三觸手把經

四條絆上下

五翻轉經讀

六日中火前

七雲霧濕處

八捲摺不齊

九口含項纏

十譚改數抹

十一條不對門

十二不安本處

